

Radunonza communal dils 11 da december 2015

1. Beinvegni

Il president communal beneventa 98 votantas e votants a questa radunonza communal. Culs 5 commembers dalla suprastonza ed il canzlist ein 104 persunas cun dretg da votar presentas.

2. Elecziun dils dumbravuschs

Ils dus proponi vegnan elegi unanimamein.

3. Protocol dalla radunonza communal dils 28-10-2015

Dil protocol han ins saviu prender investa en canzlia communal. Igl ei vegniu inoltrau neginas protestas a scret. Il protocol vala tenor artechel 25 dalla constituziun da vischnaunca cun quei sco approbaus.

4. Preventiv 2016

Quen current

Il quen current muossa in gudogn da frs. 3'000.- tier entradas ed expensas da rodund frs. 3.3 milliuns. Cumpri ein amortisaziuns ordinarias ed extraordinarias da frs. 155'300.-.

Decisiun: La radunonza approbescha il preventiv 2016 dil quen current cun grond surpli.

Quen d'investiziun

Il quen d'investiziun muossa expensas da frs. 2.9 milliuns tier entradas da frs. 326'000.-. Votau vegn sulettamein sur dalla investiziun da frs. 50'000.- per erreger fossas communablas sin ils dus santeris (conto 740.501). Per ils projects ch'ei gia vegni approbai dad ina radunonza drovi negina votaziun.

Ord il pievel vegn la proposta d'augmentar il preventiv per las fossas cummunablas sin frs. 60'000.-.

Decisiun:

Per la proposta dalla suprastonza: 48 vuschs;

Per la proposta ord il pievel: 37 vuschs.

5. Fixar pei da taglia 2016

6. Fixar pei da taglia sin schischom 2016

La suprastonza propona d'alzar il pei da taglia da schischom sin niev 1.5 ‰ e persuenter da sbassar il pei da taglia sin 112%.

Ord il pievel vegn la proposta da fixar il pei da taglia sin schischom sin 1.25 ‰

La votaziun per las duas tractandas succeda separau.

Fixar pei da taglia 2016

Decisiun: La radunonza approbescha la proposta dalla suprastonza cun treis cuntervuschs.

Fixar pei da taglia sin schischom 2015

Discussiun:

Per la proposta dalla suprastanza: 32 vuschs

Per la proposta ord il pievel: 58 vuschs

7. Structuras novas uniun da traffic

Decisiun: La radunonza approbescha d'integrar l'uniun da traffic ella vischnaunca cun ina cuntervusch.

8. Damonda da sustegn Golf Sagogn-Schluein AG

Decisiun: La radunonza approbescha la damonda da sustegn dalla Golf Sagogn-Schluein AG per ina summa da frs. 25'000.- ad onn duront ils proxims 5 onns cun 64 vuschs GIE encunter 24 vuschs NA.

9. Revisiun totala lescha da sepultura e da santeri

Decisiun: La radunonza approbescha unanimamein la revisiun totala dalla lescha da sepultura e da santeri.

10. Dretg da baghegiar sur il cunfin Architectura Coray SA

Decisiun: La radunonza approbescha unanimamein il dretg da baghegiar sur il cunfin.

Il president communal siara la radunonza allas 22:15.